



*Kamis, 05 Desember 2024*  
**Ogen: Maleaki 3:13-15**



**"Cakap Si La Mehuli"**



Lit anding-andingen bahasa Indonesia, nina: "*Memang lidah tak bertulang*". Antusen anding-andingen enda ngataken maka, salah sada panca indra si itepa Dibata bas kula manusia e me dilah; banci mpedarat ranan si mehuli jenari banci ka mpedarat ranan si la mehuli arah babah manusia e; ertina maka ranan mehuli nambahi keriahen, kesehaten ras kemalemen ate subuk man kalak si megiken ranan bage pe si mpedarat ranan mehuli, janah ranan si la uli nambahi ate mesui, pinakit ras keniguluten ukur subuk man kalak si megiken ranan si la uli bage pe si mpedarat ranan si la uli. Dibata pe ngataken man bangsaNa i bas kitab Maleaki 3:13-15 "sitik kal pe la mehuli cakapndu kerna Aku". Dibata mpersingeti bangsaNa, kerna cakap si la uli si ibelasken bangsa e kerna Dibata. "Sia-sia nge nembah man Dibata, kai gunana ngelakoken si ikatakenNa? Kai gunana si cidahken maka kita erceda ate kerna perbahanenta i lebe-lebe Tuhan?". Bangsa pilihan Dibata mpedarat cakap si la mehuli kerna Dibata si sembah bangsa e; Dibata si nggo maba bangsa ndarat arah perbudakken nari; Dibata si nggo nelamatkan bangsa pilihanNa e. Cakap si la mehuli si ibelasken bangsa nambahi ate mesui ras pinakit man bangsa e bage nambahi ate nembah Dibata nandangi perbahanen bangsaNa. Selaku Moria-Nande-Ndehara, kita pe megati melasken cakap si la uli man temanta moria; melasken cakap si la mehuli man anak-anakta; dengen melasken cakap si la mehuli man perbulangenta. Megati alu la siarap darat arah babahta nari cakap si la mehuli, si ngelukai-nakiti pusuh teman, anak-anak bage pe perbulangenta jenari kita pe dungna erkadiola dengen sakit kenca melasken cakap si la uli e. Marilah kerina Moria tetap kita erlajar gelah cakap/ranan si ndarat arah babahta nari e me cakap mehuli si erbahansa kalak si megi-megi pe meriah ukurna.



Blank writing area with a light blue background and a wavy top edge.